


戶部



大清會典

戶部倉場

戶部倉場侍郎。滿洲一人。漢一人。

掌京倉通倉之政令。凡北河之運務掌焉。

○凡京倉十有三。通倉二。

祿米倉。南新倉。舊太倉。海運倉。北新倉。富

新倉。興平倉。在京城內。太平倉。萬安倉。裕豐倉。儲濟倉。在京城朝陽門外。本裕倉。在京城外清河地方。豐益倉。在京城外安河地方。中倉。西倉。在通州。內倉。則隸戶部。恩豐倉。則隸內務府。



各定其倉儲之額。

京城內及朝陽門外十一倉貯滿漢官俸米。八旗甲米。內

務府官三倉黃老米。各衙門領催匠役米。國子監八旗教習米。順天府等處孤貧米。五城煮賑米。官園馬粟米及豆。內務府光祿寺供應小麥犧牲所餵牛豆。官兵拴馬豆。熙春園餵鹿豆。本裕豐益二倉貯。圓明園八旗官兵併健銳營外火器營官兵俸甲米。本倉看倉兵餉米。西倉中倉支放王公大臣俸米。內務府白粳米。御船水手口糧。本倉看倉兵米。通州所運丁月糧。通州養濟院孤貧米。其蒙古朝鮮貢使口糧米石。盛京送物人員口糧米。光祿寺造酒米。內務府供用米。芝蔴文武會試供應米。宗室覺羅教習順天府廩生口糧米。喇嘛口糧米。豆。

鑾儀衛餵象米。刑部順天府等衙門囚糧米。供用庫匠役米。太廟太監口糧米。工部拉

車馬豆。則貯於內倉。內務府三旗太監人等口糧。則貯於恩豐倉。而分以廩。廩

實以萬石。

祿米倉五十七廩。南新倉七十六廩。北舊太倉八十九廩。海運倉一百廩。北

新倉八十五廩。富新倉六十四廩。興平倉八十一廩。太平倉八十六廩。萬安倉九十三廩。裕豐倉六十三廩。儲濟倉一百八廩。本裕倉三十廩。豐益倉三十廩。西倉一百四十二廩。中倉一百八廩。內倉二十廩。每廩貯米不論正兌改兌。各以紅斛一萬石為額。不許盈縮。如有奇零。另貯一廩。以便稽覈。惟恩豐倉七大廩。每廩貯米三千石。五小廩。每廩貯米一千八百石。凡倉

必慎其守藏

倉廩貯米。京倉由御史封識。通倉查驗。重加新封。倉場收掌鑰匙。四月至八月。暫給監督收管。遇大雨時行。呈請御史倉場到倉開驗。倘有應行修補之處。毋得聽其滲漏。致米石泥爛。凡倉內空地。遇有積存灰堆。即催夫搬運出倉。以杜胥役攬和弊竇。凡新漕進倉之時。封固廩座於廩門上。簷空板四五尺。宣通蒸氣。俟入深秋。全行封閉。每倉各派官兵於倉外巡綽。在倉供差人役。承充時監督飭取連環保結。給與腰牌出入。新任監督接受交代米石。整廩者驗封。零廩者抽盤。如有攬雜短少。即行揭報。御史倉場公同盤驗。虧缺屬實。治罪勒賠。凡監督在任。有將米石無故私放出廩者。照侵盜錢

糧律治罪。書攢人役罪減。監督一等。所虧米石。監督賠六分。書攢賠二分。花戶賠二分。限一年全完。看倉旗員。祿米倉南新倉富新倉興平倉。太平倉萬安倉儲濟倉本裕倉豐益倉各四人。舊太倉六人。海運倉北新倉裕豐倉西倉中倉各二人。兵。祿米倉儲濟倉中倉各七十人。南新倉舊太倉海運倉北新倉富新倉興平倉裕豐倉各四十人。太平倉四十九人。萬安倉三十九人。本裕倉六十人。西倉一百人。豐益倉六十人。**耗各定以額**。京通各倉不及一月者。不准減耗。一月之外。每石每月於原收四升二合之尖米內。准其遞減折耗米一合一勺六抄。內倉白粳糯米。如原收耗米四升九合九勺七抄八撮八圭者。每石每月准遞減

米一合三勺八抄八撮三圭。如原收耗米二升九合九勺九抄八撮八圭者。每月准遞減米八勺三抄三撮三圭。通倉白粳糯米。每石每月准遞減米八勺三抄三撮三圭。均以滿三十六月為止。此外作正支放。不准遞減。其倉貯黑豆不准減耗。

○凡放糧。各覈其廩貯之色。與其新陳。豫報於

戶部以備割放。

八旗甲米以三色支放。粳米五分。養育兵統支稔米。每年新漕進倉。倉場酌量

舊存各色米多寡。勻派分貯。將某倉存貯某年米色數目。造冊先期咨部存案。廩座次序以貯米之新陳為定。每月應放三色米。豫行覈明派

定由陳而新。各廩字號。令監督造冊於上月二十五日以前送戶部割倉。隨行知查倉御史查驗標封。至放米之日。御史監督同領米旗員。揭去氣頭。移貯空倉。將應放之米一律放給。監督與各旗俱將所領樣米送部覈對。凡開放甲米。先將存貯青腰白臍之米。闔廩開放完竣後。先儘最陳之米。如有不敷。添放次陳之米。監督放米。一員在官廳檢閱米檔。一員赴廩口監察。不得委家人。倉役支發。土米則以發於五城而糶焉。各倉放米一廩

既畢。將盤出氣頭。廩底成色米。覈數估色。聲明原收年分。由倉場委勘咨部發糶。京倉發五城。本裕豐益二倉專發北城。通倉發通州。設廩減價糶賣。只許零星領糶。以防囤積。每石准報銷

折耗米一升。凡京倉夏秋兩季。通倉春季支剩成色米。均於十月後發糶。京倉冬春兩季。通倉秋季支剩成色米。均於三四月間發糶。司坊官領米到廠。將樣米封送監糶部員及巡城御史。於開糶時親赴米廠比驗稽察。坐糧廳大通橋掃收每運零撒土米。由太平倉驗收。與成色米一例待糶。凡發糶成色米價十成。粳米每石一兩。秬米每石八錢。粟米每石六錢。不足十成者每石減銀五分。仍按成色遞減。糶米價錢限月之一日六日投批。五日十日交錢。五城糶價報銷。按月截數。兩月彙報。由巡城御史加結覈銷。通州由通州知州出具冊結報部覈銷。各廠赴倉領糶成色米車脚東城每石給錢三十二文。南城每石給錢三十三文。中城每石給錢三十

四文。西城每石給錢三十九文。北城每石給錢三十七文。北城領本裕豐益二倉米。每石給錢七十文。通州每石給錢二十文。通廠起解糶價錢赴部。每千給車脚錢四文。

○凡東漕南漕既抵壩以次驗而收之。糧船到通山東

河南限三月初一日。江北限四月初一日。江南限五月初一日。江西浙江湖北湖南限六月初一日。其完糧之期各量加三月。遲不得過九月初十日。逾者罪之。幫船既到。倉場侍郎會同巡漕御史督率坐糧廳驗看米色乾潔者。照例起卸。如有潮濕責令旗丁自行曬颺。計其折耗。即以原備曬颺耗米補足。不敷責令買補。有餘仍作正文倉。起卸漕糧。每日以三萬石為率。平斛

響攬。禁止淋尖踢斛。坐糧廳責令經紀車戶倉役人等作速收受。即發紅單。如有刁勒索即行治罪。完糧既竣。運弁於三日內呈驗全單。由倉場鈐印於三日內送戶科。戶科於五日內送戶部。戶部亦於五日內驗明鈐印。令運弁親身赴部當堂給領。越五日則以聞。糧船抵通日期起卸過糧數。及回空船數皆五日具奏一次。並以本年到通幫船次序。與上年到通幫船次序比較。遲早。兼聲明石壩外河淺深水勢。辨其糧之色。以配於

京倉通倉而貯焉

漕糧抵通。不論正兌改兌。將粳稔粟三色均勻派撥分貯京通倉。白糧分貯內倉通倉。小麥派貯祿米南新舊大海運北新富新興平萬安裕豐儲濟十

倉。黑豆派貯舊大海運萬安儲濟四倉。運送內倉漕白二糧。各幫掣籤輪流運送。已經掣過之幫。次年抽免。各倉收糧。以坐糧廳紅單到日為始。京倉限十日。通倉限七日。內倉驗收白糧。於弁軍投文後限十日收完。以印結倉收轉移坐糧廳。併令運弁報完。正米完後。倉監督各覈其餘米之數。報明倉場給價收買。顆粒不許出倉。小麥驗收後。紮囤收貯。收糧既竣。開具揭帖呈報倉場。會同查倉御史丈量覈足。以收貯米數。月日監督吏攢姓名。標置廩門封固註冊報部。並於十日內分填連三編號印單。送倉場及坐糧廳備案。新糧不得攬入舊米之內。其在廩支剩氣頭廩底之米。另封備糶。不許存留攬和。收買餘米價銀。粳米每石七錢。稔米六錢。粟米五

錢。白糧餘米。照
粳米價銀給發。

截撥亦如之。

直隸遵化等州
縣。每年供應

陵寢官員太監米石。併滄州駐防兵米。由
直隸總督豫期查明應需各樣米色數目。咨部
轉行倉場。於二月內挨班輪派截撥以供支放。
遵化州。白米八百五十石。江米一百二十石。粳
米六百石。老米六百石。稜米二百五十石。粟米
二萬八千九十石。薊州。白米三百五十石。江米
五十石。糙粳米四百五十石。隆福寺新設喇嘛
糙粳米三百五十石。豐潤縣。白米五百石。江米
五十石。粳米七百石。易州。上次平白米一千二
百七十石有奇。平江米一百八十五石有奇。平粳
米三千八百九十五石有奇。平稜米三萬四千
八石有奇。平粟米七千七百九十五石有奇。滄

州。正米一萬一千四百石。
耗米三百十九石有奇。

凡正兌改兌。皆隨以

耗。各收以紅斛。

坐糧廳收兌糧米。俱以紅斛。各
倉收以倉斛。正兌紅斛每石得

倉斛一石二斗五升。改兌紅斛每石得倉斛一
石一斗七升。其較倉羨餘之數。即係耗米。正兌
米一石二斗五升。內計正米一石。尖米四升二
合。耗米七升。耗上加尖米二合九勺四抄。又盤
閘作正新耗米三升。共應收正耗平斛米一石
一斗四升四合九勺四抄。除五閘顛抗折耗米
二升。其餘八升五合六抄。以三升八合為旗丁
餘米。四升七合六抄為進倉曬颺耗米。亦作正
交納。如運進通倉。則不除顛抗折耗。改兌米一
石一斗七升。內計正米一石。尖米四升二合。耗

米四升。耗上加收尖米一合六勺八抄。共應收正耗平斛米一石八升三合六勺八抄。其餘米八升六合三勺二抄。分為旗丁餘米。及進倉曬賜耗米。視正兌之例。如運進京倉。則於正米一石之內。減除二升。以為五閘顛抗折耗米。凡搭運無耗平米。石土兩壩。槩以加二五紅斛斛量。運送京通各倉。給發脚價。倉中仍以平斛收受。入廩。起運德州倉糧。如坐京倉石壩。照正兌紅斛折算。給發脚價。如坐通倉土壩。照改兌紅斛折算。給發脚價。倉中均以平斛收受。凡搭運上年失風買補之米。正兌米一石。收平米一石一斗四升四合九勺四抄。改兌米一石。收平米一石八升三合六勺八抄。免其曬賜折耗顛抗之米。白糧則權其重。白糧以一

包為一石。以一
百六十斤為一包。

察其虧羨而賞罰之。

糧米抵
通無故

挂欠者。坐糧廳將旗丁勒限追完。仍行捆打。如有未完。令總漕著落領運官丁分賠。於下年起解搭運。限滿不完。查明叅處。運弁及領運丞。俸督運糧道。所管幫船有一丁挂欠。即限內全完。不准議敘。倉場於歲底。將挂欠丁名。幫次。彙冊送部查考。起卸白糧。每十包。秤驗一包。其有斤數不足者。坐糧廳鈐記包上。報明倉場。併倉監督。收兌時。倉場親至倉內。將鈐記之包。驗明過斛。如有短少。即令該丁補足。弁丁抵通完糧。並無違限。米數全完。賞給花紅綾扁銀牌。即於茶果銀內支銷。旗丁於額糧之外。三運多交米至一百石者。倉場咨部註冊。六運多交米至二百

石者。給以九品頂戴。其出運二十年並無挂欠。過犯亦給與九品頂戴。花紅綾扁定價銀數。紅綢每疋銀六錢。綾扁每塊銀二錢八分。銅花每對銀二分二釐。大銀牌每面五錢。小銀牌每面三錢。凡丁應解者。應支者。各覈其款而收發。旗丁運糧

抵通除交米外。應解之款。有毛竹松板席片。有廳倉茶果銀。其有舊欠者。並令搭解。坐糧廳各照數驗收。其應領之款。有餘米折價銀。有羨餘銀。有薑夫銀。有紅剝剩銀。有運官紙劄銀。有幫船吏役紙張飯食銀。其扣留行月銀。亦應在通放給。皆於完糧後五日內。在坐糧廳衙門唱名給發。其毛竹板席。旗丁堆卸報明坐糧廳。督令經紀催車陸運。并丁應投橋倉文冊。俟經紀

知照起車之日。前赴各處自行投遞。掣獲倉收呈驗。廳茶果銀。按實在到通幫船覈算。山東河南幫船。每船額交銀七兩。旗丁自行交納。蘇州松江常州嘉興湖州五府白糧幫船。每船額交銀十兩。糧道於漕贈銀內扣留封交押運官交納。其餘各省幫船。俱每船額交銀十兩。於應領薑羨紅剝銀內扣抵。如有餘剩。仍行找給。不敷於餘米折價銀找扣。倉茶果銀。按這米一石。旗丁交銀五釐一毫七絲二忽五微。為各倉收放米石之用。於餘米折價內扣抵。西中二倉白糧飯銀三百五十兩。羨餘銀。山東河南幫船。每船給銀一兩。江南幫船。每船給銀二兩。浙江江西湖北湖南幫船。每船給銀四兩。薑夫銀。山東河南不給。江南浙江江西湖北湖南。每收紅斛米

一石。給銀一分。紅剝地畝額徵銀一萬四千五百四十九兩五錢。除給北運河舊設淺夫標夫工食標竿銀外。每船應派餘剩銀兩。山東河南二省按船支領。江南浙江江西湖北湖南等省應得之數扣留作新設淺夫工食之用。運官紙劄銀。每幫給銀二兩。吏役紙張飯食銀。大米白糧每船二兩。小米每船二兩四錢。於茶果銀內扣給。到通應給扣留行月銀。由糧道按其數多者。每船扣留三分之一。數少者酌留十兩。交領運千總呈明坐糧廳。於完糧日照船散給以資回空。凡遇風火事故買補催募撥運兵米之船。茶果銀兩。免其交納。薑羨紙劄等銀。停其支給。又每幫之頭船。遂限以回空。幫船於糧米起卸免交廳茶果銀。完日照坐糧廳即將

批迴印發呈送戶部查驗。令其押空南下。倉場給發限單。自通開行限六十五日抵淮。十一月終抵次。並將經過州縣界址。照原定限日。列入單內。令沿河州縣註明出境入境時日。至淮申繳總漕察驗。山東河南不過淮之幫。由糧道稽覈回空之時。如有存剩行月等米。坐糧廳給票聽其沿途售賣。毋許在通州私糶。

○凡京倉之糧。過石壩運以舟。過大通橋運以

車。通倉之糧。過土壩則以舟車遞運焉。

石土兩壩起運

京通各倉漕白二糧。俱係按照交倉石數算給脚價。石壩經紀由外河抗米落崖堆貯號房漕

白糧每石給抗價銀一釐。由號房抗米上裏河船。漕糧每石給抗價銀一釐。白糧每石三釐五毫。由裏河五閘剝運至大通橋。漕糧每石給脚價銀二分四釐。白糧每石一分八釐。普濟平下平上慶豐四閘水脚搬抗漕米過閘上船。漕糧每石給抗價銀一分八釐。白糧每石八釐七毫。有奇。大通橋水脚抗米落崖堆貯號房。漕糧每石給抗價銀二釐七毫。白糧每石二釐一毫。有奇。土壩車戶由外河抗米落崖堆貯號房。漕白糧每石給抗價銀一釐。由號房抗米上船。運至新舊兩城之南門落崖堆貯號房。陸運進西中二倉。每石給脚價銀二分九釐。白糧每石給抗價銀三釐五毫。脚價銀一分。漕糧由土壩陸運進西中二倉。每石給脚價銀三分四釐。大通橋

車戶運米進祿米南新舊太海運北新富新興平恩豐等倉。及內倉。每石給脚價銀三分四釐。太平倉每石一分五釐九毫。萬安倉每石二分五釐九毫。裕豐倉每石二分二釐。儲濟倉每石二分六釐。本裕倉每石九分四釐。豐益倉每石一錢二分四釐。各倉進米倉役脚價。每進米一石。給抗米打廠掃廠銀四釐。打捲簽廠銀一釐。回空記袋銀一釐二毫。抱籌擡斛鋪廠銀七毫。拌米銀二釐五毫。寫送循環簿銀八毫。屏欣銀五毫。拾袋車錢八毫。堆袋房錢二毫。翻跳銀五毫。抖袋銀五毫。共一分二釐七毫。內祿米等七倉。太平等四倉。內倉。西中二倉。俱減半給銀六釐三毫五絲。本裕豐益恩豐等倉全給。如領運小麥黑豆脚價與漕糧一律支給。額設號房間

數石壩一百六間。土壩二十五間。舊城南門十間。新城南門外二十五間。大通橋五十八間。額造撥船數目。軍糧經紀一百隻。白糧經紀二十五隻。土壩車戶二十隻。大通橋車戶二十八隻。撥運易州供應米。每催船一隻。給催剝銀一兩。撥運蔚州遵化州豐潤縣供應各色米。俱由通州陸運至蔚州。每石每百里給脚價銀一錢四分。凡過壩過橋則掣欠。經紀車戶運米到橋進倉。每票十袋抽掣二袋。一袋短少。餘袋照數均賠。石壩經紀起壩抵橋。係船運。每百石准掣欠二斗。大通橋車戶起車抵倉係陸運。每百石准掣欠二斗五升。土壩車戶運進通倉係水陸並運。每百石准掣欠八斗。掣欠在額內者。照收買餘米價值折銀交庫。其

逾額掣欠米石。即令買米交倉。如一時不能如數買足。准照五城市價酌量加增折價交納。即於該役等應領脚價銀內照數扣繳。仍分別逾額在三斗以外者懲責。五斗以上照盜賣漕糧例治罪。如書攢人等勾通經紀。將掣欠米數以多報少。私向折價分肥。即行查叅究治。併密差受人於沿河一帶稽查訪緝。凡糧借貯於通倉者。凍解則補運。借貯於北倉者亦如之。

起卸糧米。每日

以三萬石為率。除通倉例進粳米十五萬石。稜米十三萬石。其餘皆令經紀趕運至大通橋。隨令分進各倉。即時押回口袋輪轉起卸。如實因幫船到通較遲。以應運京倉之米借貯通倉者

一俟開春冰泮仍即速運京其未凍前或尚可
趕運並令儘數先運不必定待春融又漕船最
後各幫不及抵壩於北倉起卸借貯者倉場侍
郎暨坐糧廳各以一人前往督辦明春冰泮時
即令豫東二省回空軍船裝運進京每米百石
由截留運丁給船價米折銀七兩九分有奇津
貼銀二兩五錢本色米一石給剝船作運費凡
糧米截留北倉旗丁應交茶果銀個兒錢照數
交納應給簞夫銀減
半支給羨餘銀全給

○凡役歲給其例費而濟以津貼

倉場坐糧廳
衙門書役裁

存飯銀依石刻條款數目收受又祿米等十一
倉每進米一石給倉場衙門書吏飯食銀五毫

祿米等十一倉併本裕豐益二倉每進米一石
給各倉書攢飯銀一釐八毫內倉給吏役工食
銀七十九兩有奇西中二倉給書吏夫役公用
銀五百二十二兩經紀車戶運米進米入倉脚
價抗價照例支給又十年排造剝船石壩土壩
每船給料價銀二百九十八兩有奇大通橋每
船給料價銀二百兩石壩經紀額置口袋十六
萬條土壩車戶額置口袋二萬條俱豫發官銀
借給於脚價內扣還殘袋每條變價五分即為
置袋之用起卸漕糧旗丁津貼經紀個兒錢每
米一石給錢二十七文經紀津貼大通橋車戶
大米一石制錢一文小米二石制錢一文官員
支領俸米每石給該倉個兒錢二十文兵丁支
領甲米本裕豐益二倉每石給倉役個票錢二

十一文。祿米等十一倉。每石給倉役個票錢二十四文。西中二倉。每放白糧一石給花戶銀二釐。各倉運送內務府米麥。每石給車價銀三分五釐。租賃口袋。每石給銀五分。京倉運送上駟院馬圈粟米。西中二倉運送內務府白糧。俱每石給車脚銀六分。倉場書役裁存飯銀條款。軍糧經紀脚價飯銀二百兩。白糧經紀脚價飯銀一百八十六兩四錢。四閘水脚抗價飯銀二百二十兩。土壩車戶脚價飯銀三十兩。布袋每萬條飯銀四十兩。經紀載錢飯銀二百八十兩。經紀頭役飯銀四十兩。各倉脚價飯銀每倉四兩。郊歷飯銀每倉四兩。各倉書攢每年給倉場衙門裝釘循環簿銀每倉二兩四錢。每年給磨對奏繳黃冊飯銀每倉六兩四錢。給裝釘奏繳黃

冊銀三兩二錢。每倉年規飯銀六兩四錢。坐糧廳三節每年給銀八兩。出巡迴巡給銀八兩。大通橋每年給銀八兩。新任監督給銀一百三十兩。進米報單每倉二兩四錢。經紀掣欠每年飯銀六十兩。坐糧廳衙門裁存飯銀條款。軍糧經紀頭郊幫貼東料飯銀三百十五兩。幫貼東料貼寫飯銀一百二十兩。軍糧經紀載錢幫貼東料飯銀一百五十兩。買布幫貼東料飯銀三百四兩。又貼寫飯銀四十兩。軍糧經紀倒袋幫貼東料殘袋二千條。白糧經紀幫貼東料飯銀八十兩。軍糧經紀幫貼南料飯銀九十四兩。南料貼寫飯銀二十四兩。白糧經紀幫貼南料飯銀二十兩。四閘軍糧水脚每郊幫貼南料飯銀二十五兩六錢。又每閘每年幫貼南料飯銀二兩。慶

豐開閘官每年幫貼南科飯銀七兩五錢。折賣江西滿號船。每隻給南科造冊飯銀二兩四錢。又給掛號銀一兩二錢。運官加銜給南科飯銀二兩或一兩六錢不等。軍糧經紀幫貼西科銷算飯銀四十兩。西科貼寫銷算飯銀四十兩。每年徵收額稅盈餘平餘銀六十餘兩。又交稅銀一兩。收飯銀五分。紅單每大張收制錢四十文。每小張收制錢十五文。小票每張收制錢一文。巡舍更名給河稅科銀一兩。又貼寫銀五錢。猪酒雜貨布四行。每行給河稅科年節銀二兩。

頒其禁令

倉場坐糧廳衙門書役飯銀。不照石例私給者。均照律治罪。失察各官分別議處。經紀收受旗丁個兒錢外。如把持勒貼有意耽延。

一經發覺。將經紀奏明按律治罪。大通橋車戶脚價。按卯給發。如有擅動卯銀。及官吏私派苦累情弊。叅奏治罪。各倉書攢潤領倉米希圖價賣者。照州縣書役侵欺錢糧律治罪。花戶向領米兵丁勒索錢文。許領米人首告。從重治罪。該管官一併嚴叅。

○凡漕倉之出納。歲終則奏銷。通濟庫亦如之。

各省先漕解通。輕齎由閘等銀。倉場題明完欠各數。仍由坐糧廳覈明收支各款。造冊題銷。到通漕糧。撥運各處兵米。暫貯北倉漕糧。以及失風挂欠。買補掣欠數目。併白糧毛竹席片。坐糧廳各查對倉收。分款造冊。送倉場查覈。併列巡撫糧道各官完欠數目。題銷。京倉漕白二糧。通

倉漕白二糧收放各款造冊題銷。廳茶果銀倉茶果銀及應用公費應出平色。併通濟庫每年收支及平餘銀兩。坐糧廳按款分晰造冊。生對倉場覆覈奏銷。均限次年五月內題奏。

○凡漕船入北河。則督地方官而催趲。南漕抵直隸境。相離遠近日期。漕運總督先期咨報。直省並行天津道酌調撥船。至楊村以北起撥。倉

場侍郎坐糧廳帶領官役親赴天津一帶催趲。額設催漕快船三十二隻。蔡村以上每十里設船一隻。蔡村以下每十五里設船一隻。倉場侍郎坐糧廳催漕之日。每日各給盤費銀六兩。

淺滯以時奏

聞而疏濬

北運河身寬水散。並無正槽。最易停淤。漕船過天津後。倉場令各汛官弁督率淺夫

隨時實力疏刮。標夫逐日探量水勢。多插柳標指引糧船。毋致阻淺。如有積淤。應需大挑之處

倉場奏明辦理。咨委直隸河員分段趕辦。新舊額設刮板四十三副。淺夫八百六十名。標夫三

十三名。淺夫每名每月給工食銀一兩二錢。標夫自糧船過關日起。至回空出關日止。每名每

月給標竿銀五錢。又每名每日給工食銀八分。俱於紅剝銀內動支。聞河亦如之。

裏河五閘。向於漕運竣後開閘放水。修補堤岸。每逢秋冬水旺之時。嚴閉蓄水。俟漕船到通。上游各閘提板放水。以濟漕運。倉場於每年春間出巡查看。令慶豐各閘閘官於沿河一帶栽種

柳樹以固堤根。雷開口過水關二處。安設鐵樁
閘板。添設撈濬夫二名。朝陽門至大通橋護城
河。每年挑淺銀六百兩。減水等閘如有汕刷。俱
動項修理。除每年歲修之外。如有應需大挑工
程。倉場侍郎
奏明辦理。

筆帖式六人

掌給使令

坐糧廳滿洲一人

由六部理藩院郎中
員外郎內

漢一人

由六部郎中員外
郎內

掌驗收漕糧轉石壩土壩水陸之運司通濟庫

之出納

坐糧廳管轄石壩州判。土壩州同。漕運
通判。通濟庫大使。通流閘官。慶豐閘官。

每年南漕抵通時。石壩州判。土壩州同。俱移駐
河干分界自石土二壩至郝家舖一帶地方。匪
類不法等事。皆令稽查。通濟庫收放銀兩。由坐
糧廳造冊送倉場查覈奏銷。每年收款。各省輕
齎易米折銀。蘆席折價銀。蘇松浙江白糧由關
銀。通州六州縣紅剝地畝銀。大通橋車戶承買
豆價銀。橋壩辦公銀。又另案奏銷廳茶果銀。併
餘平銀。倉茶果銀。輕齎易米折銀。山東一萬八
千三百八十九兩有奇。河南八千八百五十兩
有奇。江安一萬八千六百六兩有奇。蘇松除解

部外。解通六萬九百四十七兩有奇。浙江十一萬四千九百七十二兩有奇。江西五萬五千二百兩有奇。湖北一萬二千二百四十五兩有奇。湖南一萬七千五百九十五兩有奇。由閩銀。蘇松五千五百五十五兩有奇。浙江二千四百七兩有奇。紅剝地畝銀。有閩之年一萬四千八百七十八兩有奇。無閩之年一萬四千五百四十九兩有奇。大通橋車戶承買黑豆每石例價銀七錢。橋壩車戶津貼各倉收米個兒錢每大米一石。小米二石。各給制錢一文。停給扣存每年約銀六千餘兩。每年支款。北運河淺夫標夫工食標竿銀。通惠河挑挖淤淺銀。護城河挑挖淤淺銀。修理閘壩工程銀。修理號房銀。排造剝船銀。墊發置備口袋銀。給發旗丁簞夫銀。羨餘銀。運

官紙劄銀。運進京通倉漕白糧及各倉運送內務府米麥脚價銀。麥囤繩席銀。建造木斛銀。鋸板工價銀。天津通州二所屯丁修船。併通州屯丁月糧銀。通惠河河兵月餉銀。坐糧廳西中二倉監督漕運通判庫大使心紅俸工銀。俱於輕齋等銀內放給。收買餘米價銀。撥運易州米船價銀。運送薊州米脚價銀。催漕快船修船銀。完糧弁丁花紅綾扁銀。河神祭祀銀。戶部奏銷飯銀。河南道刷卷飯銀。倉場坐糧廳催漕盤費銀。坐糧廳督催挖淺驗米飯食銀。委員赴易州驗米盤費銀。倉場各衙門養廉銀。千總把總外委工食銀。通濟庫大使養廉併吏役飯食銀。清漪園水手加增工食銀。通流等閘閘夫工食銀。懷柔縣地方搭蓋浮橋銀。倉場修理衙署銀。各

倉拔草鈎抵工程銀。俱於廳茶果銀內放給。各倉放米制銀。運送內務府老黃米租口袋銀。運送上駟院粟米腳價銀。各倉編造氣筒銀。搭蓬挑溝銀。糊裱官廳銀。各倉給倉場書吏飯食銀。各倉書攢飯銀。紙硃銀。西中二倉公用銀。內倉飯食銀。俱於倉茶果銀內放給。修理號房銀。六百兩。製造木斛。三年更換一次。每張給工匠鐵葉銀七錢。鋸板工價。每廠例給銀十二兩九錢。有奇。如抽換數片者。照例遞減。通州天津兩所船三十七隻。每隻給修船銀二十兩有奇。通州屯丁二十名。每名給半月糧銀三十八兩有奇。通惠河兵四十名。每名月給餉銀一兩二錢。坐糧廳每年心紅役食銀二百九十兩有奇。西中二倉監督心紅役食銀三百二十七兩有奇。漕

運通判每年俸薪銀六十兩。役食銀二百八十二兩。庫大使每年廩俸銀三十一兩有奇。役食銀二十一兩有奇。修船催漕快船。每隻給銀二百兩。河神祭祀銀二十四兩。戶部奏銷飯銀一百九十二兩。河南道刷卷飯銀六百兩。坐糧廳在張家灣督挖淤淺。兩壩驗米。自糧船過津關日起。至運竣日止。每日給銀一兩。委員赴易州驗米。給盤費銀二十兩。養廉銀。倉場侍郎二人。各二千四百兩。坐糧廳二人。各二千二百兩。大通橋監督二人。各五百兩。京城祿米等十三倉。通州西中二倉監督三十人。各三百兩。內倉監督二人。折抵袋價銀八百兩。恩豐倉監督二人。共三百五十兩。漕運通判五百兩。筆帖式六名。飯銀各四百五十兩。北河遊巡千總二員。漕運把

總三員。外委五員。每員歲支字識工食銀十二兩。又糧船過關日起至回空出關日止。每員日給催漕飯食銀一錢。水手每員二名。每名給銀五分。把總外委又每員歲支房舍銀十二兩。通濟庫大使養廉。併吏役飯銀三百五十五兩有奇。通流閘閘夫十九名。除香河縣額解銀五兩外。領銀七兩。雷閘口濬夫工食銀十二兩。減水等閘夫工食銀一百五十六兩。懷柔縣搭蓋浮橋水手每名日給銀三錢。倉場修理衙署銀二百兩。祿米等十三倉。拔草鈎抵工程銀五千兩。各倉放米制銀。每放米一石給花戶銀二釐。除祿米等十一倉。扣存橋壩辦公。餘照舊例給發。西中二倉。開放白糧。在白糧飯銀給發。祿米等十一倉。內倉通州倉。每倉給搭蓬銀十兩。本裕

豐益二倉。每倉給搭蓬銀五兩。挑溝銀四兩。紙硃銀十六兩。內倉糊官廳銀八兩。編造氣筒銀倉廩。每貯米萬石。給銀二兩九錢六分八釐二毫。不及萬石者。照數覈減。內倉飯食銀七十六兩。有奇。廳茶果平餘銀。開除倉場坐糧廳衙門祭祀搭蓋天棚皂役工食添修執事。及一切上任。出巡公費之用。歲無定額。凡北河之淺滯。率其屬而挑濬。

漕運通判。駐張家灣。專司疏濬。把總二員。外委四員。聽其調遣。有淺淤。報明通判。在坐糧廳。領銀挑濬。管理六汛。刮板淺夫標夫。如有更換。照僉丁例。隨時報部。遊巡千總。督同把總。專司新設刮板淺夫。刨挖淤淺。凡漕船入北河。旗丁催船起剝。漕運通判禁止旗丁越先搶催。短發價

值。及船戶刁難勒索諸弊。通流慶豐二閘。閘官管束五閘運米脚夫往來督率稽查。毋任拋散。東直門角樓迴龍閘。歸慶豐閘。閘官管理。水大則瀉。水小則蓄。雷閘口過水關二處。閘夫撈濬夫。交慶豐閘。閘官管轄。

大通橋監督。滿洲一人。漢一人。

由倉場侍郎於京通十五倉監

督內選擬正陪

引見補用

掌轉大通橋之陸運。

祿米倉監督。滿洲一人。漢一人。南新倉監督。滿

洲一人。漢一人。舊太倉監督。滿洲一人。漢一人。

海運倉監督。滿洲一人。漢一人。北新倉監督。滿

洲一人。漢一人。富新倉監督。滿洲一人。漢一人。

興平倉監督。滿洲一人。漢一人。太平倉監督。滿

洲一人。漢一人。萬安倉監督。滿洲一人。漢一人。

裕豐倉監督。滿洲一人。漢一人。儲濟倉監督。滿

洲一人。漢一人。本裕倉監督。滿洲一人。漢一人。

豐益倉。監督。滿洲一人。漢一人。十三倉監督由戶部於各衙門

保送記名人員內按次補用。

掌分管京倉。

中倉。監督。滿洲一人。漢一人。西倉。監督。滿洲一

人。漢一人。中西二倉監督由倉場侍郎於京城十三倉監督內調補。

掌分管通倉。



